

ERASOA ESTATU BATUEN AURKA



ERRUSIA, MESFIDATI. Vladimir Putin Errusiako presidentea (ezkerrean), Robert Kotxarian Armeniakoarekin, atzo, Erevanen. EEBBen mendekuzko erasoa dela eta, zalantzak azaldu ditu Kremlinek.

Usoa Otaegi | **DONOSTIA**

Astearteko atentatuei erantzuteko estrategia babestuko duen nazioarteko sarea josten ari dira EEB-Bak. Munduko herrialde gehienak «terrorismoaren aurka egiteko» prest agertu dira, baina gero eta gehiago dira elkarlan hori alor militarra eramateko mesfidati direnak. Hala, mundu osoko aliantzak EEBBentzat «terrorismoaren kabi» diren herrialdeak bakartzea xede izango duen inteligentzia lanean luke oinarria. NATOk hori nolabait bermatuta, Washingtonek herrialde arabiar estrategikoen babesa lortzea du orain helburu.

NATO

Lehen aldiz 52 urteko historian, Aliantzak bere sorrera kartaren bosgarren artikulua erabiltzea onartu zuen ostegunean. Horren arabera, kide baten aur-

Gerrarako tratutan

NAZIOARTEKO ALIANTZA. Atentatuei erantzuteko mendekuzko ekintzan laguntzeko kideen bila ari dira EEBBak

kako erasoa guztien aurkako-tzat jotzen da eta, beraz, guztiei dagokie horri aurre egitea. Hala ere, NATOk hainbat kide EEBBen erantzun militarrean parte hartzeko aukeraren inguruan zalantzak agertzen hasi dira, eta kontu handiz jokatzeko eskatu diete EEBBei. Izan ere, gero eta gehiago dira EEB-Bek Osama Bin Ladenen aurkako erasoa Irakeko erregimena

botatzeko aitzakiatzat erabili nahi duela uste duten aliatuak.

ALEMANIA. Erasoen inguruko ikerketen ondorioen berri emateko eskatu dio Berlinek Washingtongi, ekintza militar batean parte hartzeko aukera aztertu aurretik. Alemaniako sektore askotan, gainera, horrelako erasoetan parte hartzearen aurkako joera indartsuak daude.

FRANTZIA. Parisek EEBBen ekin-

tza militar bat automatikoki babestuko ez zuela ohartarazi zuen lehen ministro Lionel Jospinek herenegun.

ERRESUMA BATUA. Tony Blair lehen ministroak argi utzi du bere politikarekin jarraitu eta EEB-Bek erabakitzen dutenari babes osoa emango diola Londresek. Hala ere, «txeke zuririk ez» zuela ohartarazi zion Atzerri ministroak Washingtongi atzo.

HERRIALDE MUSULMANAK

Herrialde musulman gehienek atentatuak gertatu eta berehala eskaini zieten «terrorismoari aurre egiteko» babesa EEBBei. Hala ere, Washingtongi ez zaio erraza izango haiek askorentzat «musulmanen aurkakoa» den ekintza militarrean parte hartu dezaten konbentzitzea. Badirudi EEBBek dagoeneko lortu dutela talibanak babesten dituen Pakistanek Afganistanen aurkako erasoa egiteko laguntza ematea. Orain mesfidati diren Egipto eta Jordaniaren babesa lortzea da Washingtongen helburua. Kairok argi utzi du «terrorismoari Nazio Batuen bitartez aurre egin» behar zaio-la.

TXINA ETA ERRUSIA

Errusiak hasiera batean EEBBen mendekuzko ekintzari babes osoa eskaini bazion ere, hori froga argietan oinarrituta egon beharko dela ohartarazi zuen Kremlinek herenegun. Era berean, Moskuk argi utzi du Washingtongo tropei ez diela Tadjikistan eta Afganistanen arteko muga erasorako erabiltzen utziko. Txinari dagokionez, «terrorismoaren aurkako» babesa eskaini zien EEBBei. Hala ere, Libia eta Irak bezalako herrialdeekin duen harremanak eta beste hainbat faktorek zail egingo dute Pekinek Washingtonen mendekuekin bat egitea.

GUTUNA



SAADE / AP
Saddam Hussein.

«Nor da fanatikoa?»

Saddam Hussein Irakeko presidenteak eskutitz bat idatzi die EEBBei eta Mendebaldeari. Hauek dira pasarte esanguratsuenak:

«EEBBen erantzun militarraz arazoa konponduko al du? Horrek segurtasuna ekarriko al die EEBBei eta munduari? Ez al dira EEBBek eta Mendebaldeko gobernuak beste herrialdeen aurka egindako erasoak egun munduan bizi den ezegonkortasunaren kausa? (...) Norbait egia esatea da estatubatuarrek gehien behar dutena. (...) Estatubatuarrei esan nahi diegu irailaren 11n gertatutakoa beren Gobernu munduan egiten ari denarekin alderatu behar dela.

(...) Musulmanek estatubatuarren eskutik sufritu dutenak ez ditu arrazista bihurtu, eta ez dira hiriburu arabiarretan Mendebaldeko biztanleak jazartzen hasi. (...) Baina EEBBetan egun batean eraso bakar bat gertatu zelako, arabiarrek eta musulmanak erasotuak izaten ari dira. Kasu horretan, nor da fanatikoa? (...) EEBBek jakinduria behar dute, ez boterea. Orain arte boterea erabili dute, eta nahi zutena lortu ez dutela besterik ez dute frogatu».

EUSKO JAURLARITZA

GOBIERNO VASCO

HEZKUNTZA, UNIBERTSITATE
ETA IKERKETAK SAILA

DEPARTAMENTO DE EDUCACION,
UNIVERSIDADES E INVESTIGACION

EGA

**2001eko 2. deialdia (irekia zein itxia)
ATARIKO PROBA: noiz-nongoak**

NON	EGUNA	ORDUA	NOR
ARABA: Filologia, Geografia eta Historia Fakultatea. Unibertsitateen ibilbidea z/g. GASTEIZ	Irailaren 22an	8,45 10,45	Euskaltegiaren matrikulatuak Deialdi irekian matrikulatuak
BIZKAIA: EHUko campus-a. Zientzia Fakultatea Sarriena auzoa, z/g LEIOA	Irailaren 22an	8,45 10,45	Euskaltegiaren matrikulatuak Deialdi irekian matrikulatuak
GIPUZKOA: EHUko campus-a. Ignacio M ^o Barriola eraikina. Elhuyar plaza, 1. Ibaeta auzoa DONOSTIA	Irailaren 22an	8,45	Euskaltegiaren matrikulatuak Deialdi irekian matrikulatuak

OHARRA: 2 zenbakiko lapitza, borragoma, zorrozkailua eta Nortasun Agiria (Narik ez balu, pasaportea, gidatzeko baimena edo egoitzakoa, besterik ez) eramatea azterketariaren ardura da: fotokopiek ez dute balio.

EGA: Informazio gehiagorako Hezkuntzaren edo HABEren Lurralde Ordezkaritzetara jo dezakezu.



**Mancomunidad
Comarca de Pamplona**
Iruñerriko
Mankomunitatea

**Servicios de la
Comarca de Pamplona s.a.**
Iruñerriko
Zerbitzuak s.a.

Bisitak Mankomunitatearen instalazioetara

Bisita gidatuak Egillorko Ur Tratamenduko Estaziora eta Aratzuriko Hondakin Urak Aratzeko Plantara.

Egunak eta ordua

Irailaren 22a, larunbata: Bisita Artetako Iturburura eta Egillorko Ur Tratamenduko Estaziora.

Irailaren 29a, larunbata: Bisita Aratzuriko Hondakin Urak Aratzeko Plantara.

Irteerak 10:00etan izango dira, Imaz Anaien kaleko 1 zenbakitik. Bisitak hiru bat ordu iraungo du.

Informazioa eta erreserbak

Mankomunitateak bezeroentzat duen telefonora deituta, **948/42 32 42**, asteleheneetik ostirala bitarte, 07:30etik 18:00ak arte.



Bergarako Udala

Bergarako Udala Lorategi Zerbitzuko 2 Ofizial kontratatzea doa, lehiaketa-oposizio ireki bidez eta behin-betiko kontratua-rekin.

Lehiakideen baldintzak

- Eskola graduatua, lanbide hezkuntza I edo pareko titulazio maila izatea.

- Euskara jakitea, lehen hizkuntza eskakizunari dagokion maila, ez derrigorrezkoa.

Instantziak

Instantziak aurkezteko epea 2001eko urriaren 1ean, 13:30etan bukatuko da.

Oinarriak Idazkaritzako bulegoetan.

*Bergaran, 2001eko irailaren 11n.
ALKATEAK.*